

48.

1163 d. 18 Oct.

Atlinburg?

Hertig HENRICKS i Bavern och Sachsen stadfästelse på Gottländingarnes af Kejsar LOTHARIUS erhållne fri- och rättigheter, med försäkran att de i hans land skulle hafva fred och säkerhet för sig och sina varor, och vara fria från tullafgifter; att der begånget våld, mord, öfverfall med hugg och slag, skulle lagligen beifras och straffas; att arf skulle få utföras, samt att i allmänhet Gottlands innevånare skulle der åtnjuta samma rätt som infödde handlande, med vilkor att hans undersåtare hos dem åtnjöte detsamma, så ock att i synnerhet Lübecks hamn besöktes.

K. i. 2: 78. *)

In nomine sanctæ & individuæ Trinitatis Henricus divina favente clementia Bavarorum atqve Saxonum Dux. Noverit cunctorum tam præsentium, quam futurorum Christi fidelium sagacitas, qvaliter nos ob amorem pacis & reverentiam Christianæ religionis, maxime autem contemplatione retributionis æternæ, dissensionem inter Theutonicos nec non Gutenses, instigante spiritu neqvitiæ diu male habitam, unitati & concordiæ antiqvæ reformaverimus. Qvaliter etiam multimoda mala, videlicet odia, inimicitas, homicidia, ex utriusqve gentis dissensione orta, Spiritus Sancti gratia cooperante perpetua pacis stabilitate condonaverimus: & postmodum Gutenses in nostræ reconciliationis gratiam benigne receperimus. Juris igitur & pacis ejusdem decreta, Gutensibus qvondam a serenissimo Romanorum Imperatore Domino Lothario piæ memoriæ avo nostro concessa, Nos in omni devotione factis ejus inclinantes, simili pietate Gutensibus contradimus, unuscujusqve juris traditionem per singula copula distinguentes. Per universæ potestatis nostræ ditionem Gutenses pacem firmam habeant: ita ut qviquid dispendii & rerum suarum, seu injuriæ infra terminos nostri regiminis pertulerint plenam ex judiciaria potestate justitiam & correctionem consequantur. Hanc eis gratiam adjicientes, ut in omnibus civitatibus nostris a teloneo liberi permaneant. Item si qvis Gutorum in qvibuscunqve civitatibus nostris, ubi pacem sub jurejurando firmavimus, peremptus fuerit, capitis sententia reus ille puniatur. Si qvis vero armis vulneratus vel debilitatus fuerit, manu reum truncari decrevimus. Insuper si qvispiam fuste vel pugno impie læsus fuerit, juri civitatis, in qva id contigisse dinoscitur, reus item subjaceat. Similiter autem qvicunqve Gutensium in itinere eundo vel redeundo in die non legitime occisus fuerit, peremptor cum hæredibus & cognatis occisi XL. marcis monetæ illius provinciæ, in qva nefas perpetratum est, componat. Si qvis vero eorum in qvacunqve Civitate nostra mortuus fuerit, bona sua hæres vel cognatus ejus, si forte præsens

*) Detta Bref är det 2:dra bland dem, som PRIORN JOHANNES och hela Predik. Br. conventet i Wisby, tillika med Gardianen PETER och hela Minoriter Br. Conventet der sammastädes d. 25 Maj 1368 efter originalet vidimerat.

est, recipiat & in multa pace fruatur. Sin autem, bona illa in eadem possessione, qva ille obierit, annum & diem in districtu reserventur. Si vero nullus infra tempus denominatum bona ista requisierit, iudex civitatis ea recipiat. Novissime autem eandem gratiam & justitiam, qvam nostris mercatoribus decrevimus, eandem omnibus Gutensibus inperpetuum statuimus fideliter conservandam, hoc videlicet pacto ut grata vicissitudine idem nostris & ipsi exhibeant. Nos quoqve & terram nostram de cætero arctius diligant, & portum nostrum in Lubeke diligentius frequentent. Hujus autem rei testes sunt hi: Episcopus Geroldus, Evermodus Episcopus, Berno Magnopolitanus Episcopus, Marchio de Vohhorg, Adolphus Comes, Sifridus Comes, Wolradus Comes, Henricus Comes de Ratzeburg, Luthardus de Meinerssen, Adolphus de Woltingeroth, Guncelinus, Anno Camerarius, Ludolphus Dapifer, Reinoldus Comes de Lubeke. Acta sunt hæc anno Domini M^o. centesimo sexagesimo tertio, regnante gloriosissimo Domino Frederico Romanorum Imp. Augusto, anno Regni sui decimo, Imperii septimo. Datum in Erteneborch XV. kal. Novembris.

49.

1164 d. 5 Aug.

Sens?

Påfv. ALEXANDER III:s Bref till Ärke-Biskop STEPHAN och hans efterträdare i Embetet, att honom gifves pallium och Ärke-Biskops värdighet öfver Sverige och Biskoparne i Skara, Linköping, Strengnäs och Westerås, med Upsala stad till Ärke-Biskopssäte, jemte stadgande att så han som efterträdare skola invigas af Ärke-Biskopen i Lund hvilken de skola vörda såsom Primas; med bestämmelse derjemte af dagar och tillfällen, då Ärke-Biskopen får bära pallium.

B. 2: 172.

Institutio metropolitane sedis in vpsalia temporibus stephani archiepiscopi.

ALEXANDER episcopus servus servorum dej venerabili fratri stephano eiusque successoribus canonicè substituendis. J N P P M.

Licet omnes discipuli eandem ligandi atque soluendi acceperint a domino potestatem licet vnus verus & singularis magister christus omnibus iniunxisset predicare ewangelium omni creature, quedam tamen inter eos habita est discrecio dignitatis, & dominicarum ouium curam que omnibus equaliter iminebat, beatus petrus quadam speciali prerogatiua suscepit, dicente ad eum domino, petre amas me pascere oues meas Qui eciam inter omnes apostolos principatus nomen optinuit. & de fratrum confirmacione singulare a domino preceptum accepit. vt in hoc peculiariter posteritati daretur intelligi quod quamuis multos ad regimen ecclesie contingeret ordinari vnus ta-